

楊 樹 達

國文中賓語之位置居外動詞或介詞之後者，常也；然有倒裝者。今詳述之。

1 疑問代名詞爲賓語時，必居動介之前。

內省不疚，夫“何”憂何懼？論語

終南“何”有？有條有枚。詩秦風終南

寡人有子，未知其“誰”立焉。左傳閔二年

吾“誰”欺？欺天乎！論語

王者“孰”謂？謂文王也。公羊傳隱元年

問臧“奚”事？則挾策讀書。莊子駢拇

以上居外動詞之前者

“何”由知吾可也？孟子梁惠王上

“誰”爲爲之？史記自序

水“奚”自至？呂氏春秋貴直

“曷”爲先言王而後言正月？王正月也。公羊傳

隱元年

以上居介詞之前者

唯介詞“于”，“於”，“爰”三字介紹疑問代名詞時，爲例外，不倒置。

哀我人斯，“于何”從祿？詩小雅正月

彼人之心，“于何”其臻？又菀柳

此日而食，“于何”不臧？又十月之交

吾“于何”逃聲哉？列子湯問

民衣霧，主吸霜，問可倚杵“于何”臧？易緯是類謀

異類衆夥，‘于何’不育？左太冲蜀都賦

四海之議，‘於何’逃責。任彥昇爲齊明帝讓宣城鄆

公表

‘於何’攷德而問業焉？韓文送溫處士序

推誠永究，‘爰何’不臧？漢書外戚傳

所謂伊人，‘于焉’逍遙？詩小雅白駒

所謂伊人，‘于焉’嘉客？又

我視謀猶，伊‘于胡’底？又小旻

‘于以’采蘋？于沼于沚；‘于以’采藻？于彼行潦。詩

召南采蘋

‘于以’采蘋？南澗之濱。又采蘋

‘于以’湘之？惟鑄及釜；‘于以’盛之？惟筐及筥。

同上

爰居爰處，爰喪其馬，‘于以’求之？于林之下。又野

風擊鼓

- 2 句中以無指代名詞‘莫’字爲主語時，代名詞爲賓語則居前。

子曰：‘莫’‘我’知也夫！論語憲問

晉侯聞之，而後喜可知也，曰：‘莫’‘余’毒也已！左

傳僖二十八年

不患‘莫’‘己’知，求爲可知也。論語

蟋蟀在東，‘莫’‘之’敢指。詩蟋蟀

夫子復，‘莫’‘之’止，必不出。左傳襄二十四年

夫以信召人，而以僭濟之，必‘莫’‘之’與也。又襄

二十六

會同難，嘖有煩言，“莫”“之”治也。又定四年
故天下諸侯既許桓公，“莫”“之”敢背。齊語
狂者傷人，“莫”“之”怨也；嬰兒嘗老，莫之疾也。

淮南子說林訓

雖使五尺之童適市，“莫”“之”或欺。孟子
人皆曰予知，驅而納諸罟獲陷阱之中，而“莫”“之”

知避也。禮記中廡

福輕乎羽，“莫”“之”知載；禍重乎地，“莫”“之”知
避。莊子人間世

3 句中有否定副詞時，則爲賓語之代名詞先置。
居，則曰：“不”“吾”知也。如或知爾，則何以哉？論

語

如有政，雖“不”“吾”以，吾其與聞之。又子路

季子雖來，“不”“吾”廢也。史記吳世家

子“不”“我”思，豈無他人！詩鄭風褻裳

日月逝矣，歲“不”“我”與。論語陽貨

今鄭人貪賴其田而“不”“我”與，我若求之，其與
我乎？左傳昭十二年

我留，匈奴必以我爲大軍之誘，“不”“我”擊，史記

李廣傳

始吾貧時，昆弟不我衣食，賓客“不”“我”內門。

又圭父偃傳

是區區者而“不”“余”畀，余必自取之。左傳昭十三年

年

僕句“不”“余”欺也。又昭二十五年

不患人之“不”“己”知，患不知人也。論語學而
 豈“不”“爾”思，室是遠而！論語
 先君之“不”“爾”遂，可知矣。公羊傳隱三年
 非吾力不能納也，義實“不”“爾”克也。又文十五年
 女專利而不厭，予取予求，“不”“女”瑕疵也。左傳
僖七年

無適小國，將“不”“女”容焉。又
 余恐亂命以“不”“女”違。又襄十年
 余“不”“女”忍殺，宥女以遠，勉速行乎！又昭元年
 三代命祀，祭不越望，江漢睢漳，楚之望也。禍福
 之至，“不”“是”過也。又哀六年

以上用“不”字之例

管子對曰：未可，鄰國未“吾”親也。齊語
晉國之命，未是有也。左傳襄十四年
 蓋有之矣，我未“之”見也。論語
 不好犯上而好作亂者，未“之”有也。又
 望道而未“之”見。孟子
 吾觀世俗之樂，舉羣趣者諛諛然，如將不得已而
 皆曰樂者，吾未“之”樂也，亦未不“之”樂也。莊子至樂
子路有聞，未“之”能行，惟恐有聞。論語

以上用“未”字之例

爾無“我”詐，我無“爾”虞。左傳成元年
 志輕理而重物者，無“之”有也；外重物而不內憂
 者，無“之”有也。荀子正名

以上用“無”字之例

馬驚，敗績。公隊。佐車授綏，公曰：未“之”卜也。

禮記檀弓

以上用‘末’字之例

或曰：繞繞者天下皆說，奚其存？曰：曼“是”爲也！

法言廣見

以上用“曼”字之例

- 4 雖無上述之原因，人稱或指示代名詞爲賓語亦間有先置者。

今命爾“予”翼，作股肱心膂！書君牙

詳乃視聽，罔以側言改厥度，則予一人“汝”嘉。

又蔡仲之命

爾貢包茅不入，王祭不共，無以縮酒，寡人“是”徵。

昭王南征而不復，寡人是問。左傳僖四年

有淪此盟以相及也，明神先君是糾是殛。又僖二

十八年

- 5 有二事爲比較時，則賓語雖爲名詞亦先置。

“飢”“寒”之不恤，誰遑其後！左傳襄二十八年

“飢”“寒”之不恤，誰能恤楚！又

上二例賓語與動詞之間有“之”字爲助

老夫，其“國家”不能恤，敢及王室？左傳昭二十四年

寡人，唯是“一二父兄”不能共億，其敢以許自爲

功乎！又隱十一年

臣“死”且不避，卮酒安足辭！史記項羽本紀

上無字爲助者

- 6 語氣側重時，則爲賓語之名詞先置。

陛下於淮南王，不可謂薄矣！然而淮南王，“天子之法”，屢蹂促而弗用也；“皇帝之令”，屢批傾而不行也。賈子淮南。

上例外動詞賓語先置

孝景時，每朝議大事，“條侯”“魏其侯”，諸列侯莫敢與亢禮。史記魏其侯傳

上例介詞賓語先置

7 賓語倒置在動介之前，以“之”字助之。

吾以子爲“異之問”，曾“由與求之問！”論語先進

孟武伯問孝，子曰：父母唯其“疾之憂”。又爲政

“東略之不知”，西則否矣。左傳僖九年

僑聞：爲國非“不能事大字小之難”，“無禮以定其位之患”。又

華則榮矣，實之不知。晉語

上爲外動詞賓語先置者

我之不共，“魯故之以”。左傳昭十三年

寡人之使吾子處此，不惟“許國之爲”，亦聊以固吾圍也。又隱十一年

叔仲昭伯曰：我“楚國之爲”，豈爲一人行也！又左傳襄三十八年

宋向戌曰：我“一人之爲”，非爲楚也。又

非“夫人之爲”慟，而誰爲？論語

晉居深山，“戎狄之與”鄰。左傳昭十五年

吾先君固周室之不成子也，攸濱於東海之陬，“鼃鼃魚鼃之與”處，而“鼃鼃之與”同者。越語

“臙腫之與”居，“鞅掌之爲”使。莊子庚桑楚

康公，“我之自”出。左傳成十三年

右介詞賓語先置者

8 賓語倒置在動介之前，以“是”字助之。

除君之惡，唯“力是視”。又僖二十三年

率師以來，唯“敵是求”。又宣十二年

余雖與晉出入，余唯“利是視”。又成十三年

寡人帥以聽命，唯“好是求”。又

唯吾子“戎車是利”，無顧土宜，其無乃非先主之命也乎！又成二年

荀偃令曰：鷄鳴而駕，塞井夷竈，唯余“馬首是瞻”！

又襄十四年

自今日既盟之後，鄭國而不唯“有禮與強可以庇民者是從”而敢有異志者，亦如之！又襄九年

以上有副詞“唯”字者

慶鄭曰：復諫違卜，固“敗是求”，又何逃焉？左傳僖十五年

五年

寡人之從君而西也，亦晉之“妖夢是踐”，豈敢以至！又

君亡之不恤，而“羣臣是憂”，惠之至也。又

親我無成，“鄙我是欲”，不可從也！又襄八年

今土數圻而“郢是城”，不亦難乎！又昭二十五年

今“吳是懼”而城于郢，守已小矣。又

有君而“臣是助”，無乃不可乎！又昭二十一年

王子相楚國，將“善是封殖”，而虐之，是禍國也。

又襄三十年

將“虢是滅”，何愛於虞！又僖四年

若未嘗登車射御，則“敗績厭覆是懼”，何暇思獲！

又襄三十一年

君人者，將禍是務去，而速之無乃不可乎！又隱三

年

子爲司寇，將盜是務去，若之何不能？又襄二十一年

以上無副詞“唯”字者

以上皆外動詞之例

齊侯曰：豈“不穀是爲”，先君之好是繼，與不穀同好，何如？左傳僖四年

文武成康之建母弟以蕃屏周，亦其“廢墜是爲”，豈如弁髦而因以敵之！又昭九年

以上皆介詞之例

9 外動詞之賓語先置，以“焉”字助之。

我周之東遷，晉鄭焉依”。（按周語作‘晉鄭是依’）左傳隱六年

安定國家，必“大焉先”。又襄三十年

委蛇還旅，“二守焉依”。後漢書任李劉傳贊

10 外動詞之賓語先置，以“或”字助之。

如松柏之茂，無不爾或承。詩小雅天保

11 外動詞之賓語先置，以“來”字助之。

顯允方叔，征伐玁狁，“荆蠻來威”。詩小雅采芣

匪安匪遊，“淮夷來求”。又大雅江漢

匪安匪舒，“淮夷來鋪”。又

匪疚匪棘，“王國來極”。又

是用作歌，將“母來諗”。又小雅四牡

不念昔者，伊“余來暨”。又邶風谷風

既之陰女，反“予來赫”。又大雅桑柔

- 12 外動詞之賓語先置，以“于”字助之。

赫赫南仲，“玁狁于襄”。詩小雅出車

赫赫南仲，“玁狁于夷”。又

“四國于蕃”，“四方于宣”。又大雅崧高

- 13 外動詞之賓語先置，以“斯”字助之。

“朋酒斯饗”，曰殺羔羊。詩豳風七月

- 14 外動詞之賓語先置，以“爲”字助之。

女爲人臣子，不顧思義，畔主背親，爲降虜於蠻夷，

何以“女爲見”！漢書蘇武傳

- 15 外動詞之賓語先置，以“之爲”助之。

使奕秋誨二人奕，其一人專心致志，惟“奕秋之爲聽”。孟子告子上

故人苟“生之爲見”，若者必死；苟“利之爲見”，若者必害。荀子禮論

惟“行之爲守”，“唯義之爲行”。又不苟

- 16 外動詞之賓語先置，外動詞之下復補“之”字。

夏禮，吾能言之，杞不足徵也；殷禮，吾能言之，宋不足徵也。論語八佾

“聖人”，吾不“得而見之”矣！論語

“百畝之田”，匹夫“耕之”。孟子梁惠王上

“三里之城”，“七里之郭”，“環而攻之”而不勝。

又公孫丑下

“拱把之桐梓”，人苟欲生之，皆知所以養之者。又

告子上

子變子言，則“齊國”吾與子“共之”。呂氏春秋恃君

知分

張廷尉，由此天下稱之。史記張釋之傳